



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2006. GODINU I POSTIZBORNOG FINANSIJSKOG IZVJEŠTAJA – OPŠTI IZBORI 2006. GODINE SOCIJALDEMOKRATSKE UNIJE BOSNE I HERCEGOVINE

Broj: 03-07-6-476/08
Sarajevo, 07.08.2008. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	3
3. OPIS REVIZIJE	4
Predmet revizije	4
Cilj revizije.....	4
Obim revizije.....	4
4. PRETHODNE REVIZIJE.....	4
5. NALAZI I PREPORUKE.....	5
5.1. NALAZI	5
5.2. PREPORUKE.....	9

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju finansijskih izvještaja za 2006. godinu **Socijaldemokratske unije Bosne i Hercegovine** i to: godišnjeg finansijskog izvještaja za 2006. godinu i finansijskog izvještaja od dana podnošenja prijave za ovjeru za izbore do dana ovjere rezultata Opštih izbora održanih u oktobru 2006. godine. Revizija je ispitivala primjenu Zakona o finansiranju političkih stranaka i primjenu člana 15.10 Izbornog zakona Bosne i Hercegovine, od strane SDU BiH.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.
Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka i članom 15.10 Izbornog zakona Bosne i Hercegovine.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka i članom 15.10 Izbornog zakona Bosne i Hercegovine.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Socijaldemokratska unija Bosne i Hercegovine u izvještajnom periodu nije postupila u skladu sa odredbama člana 6., člana 8. stav (1) i člana 11. stav (1), stav (2) i stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Socijaldemokratska unija Bosne i Hercegovine u 2006. godini postupala u skladu sa Zakonom o finansiranju političkih stranaka i članom 15.10 Izbornog zakona Bosne i Hercegovine.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju finansijskih izvještaja Socijaldemokratske unije Bosne i Hercegovine i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija Bosne i Hercegovine je iskazala prihode u iznosu od 149.198,77 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	4.750,00	3,18 %
2	Prilozi fizičkih lica	420,00	0,28 %
3	Prilozi pravnih lica	5,000,00	3,35 %
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	83.943,44	56,26 %
8	Prihodi od vlastite aktivnosti	55.085,33	36,92 %
	Ukupni prihodi:	149.198,77	100,00%

U godišnjem finansijskom izvještaju Socijaldemokratska unija Bosne i Hercegovine je iskazala ukupne rashode u iznosu 141.508,70 KM.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija Bosne i Hercegovine. Skraćeni naziv stranke je SDU BiH.

SDU BiH je registrovana 2003. godine kod Kantonalnog suda u Sarajevu pod brojem R-I-2/03, veza rješenje R-I-03/05 od 20.05.2005. godine.

Sjedište političke stranke je u Sarajevu, ulica Maršala Tita broj 9a.

Lice ovlašteno za zastupanje i predstavljanje stranke u 2006. godini bio je predsjednik stranke Sejfudin Tokić. Stranka nije navela lice ovlašteno za podnošenje finansijskih izvještaja za 2006. godinu.¹

¹ U skladu sa odredbama člana 12. stav (1) Zakona o finansiranju političkih stranaka („Službeni glasnik BiH“ broj 22/00), svaka politička stranka je dužna da imenuje ovlašteno lice koje je odgovorno za podnošenje izvještaja i vođenja knjiga i koje je ovlaštenio da kontaktira sa Centralnom izbornom komisijom Bosne i Hercegovine. U skladu sa odredbama člana 9. stav (1) tačka j) Pravilnika o godišnjim finansijskim izvještajima političkih stranaka („Službeni glasnik BiH“ broj 61/06)

Organizacionu strukturu SDU BiH čine:

- Glavni odbor,
- 10 Kantonalnih odbora
- Odbor Brčko distrikt i
- 81 opštinski odbor²

3. OPIS REVIZIJE

Predmet revizije je godišnji finansijski izvještaj SDU BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine i to sljedećih organizacionih dijelova:

- Glavni odbor SDU BiH Sarajevo,
- Kantonalni odbor SDU BiH Sarajevo,
- Opštinski odbor SDU BiH Centar Sarajevo,
- Opštinski odbor SDU BiH Novo Sarajevo,
- Opštinski odbor SDU BiH Vogošća,
- Opštinski odbor SDU BiH Ilijaš i
- Opštinski odbor SDU BiH Živinice

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je SDU BiH u izvještajnom periodu postupala u skladu sa odredbama Zakona o finansiranju političkih stranaka i poglavlja 15. Izbornog zakona Bosne i Hercegovine.

Obim revizije finansijskih izvještaja SDU BiH obuhvata kontrolu i provođenje analitičkih procedura radi utvrđivanje usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode iz budžeta, prihode od vlastite aktivnosti stranke i troškove kampanje.

4. PRETHODNE REVIZIJE

U prethodnom periodu izvršena je revizija godišnjeg finansijskog izvještaja Socijaldemokratske unije BiH za 2005. godinu i izdat Izvještaj o reviziji sa mišljenjem, nalazima i preporukama revizora.

Realizovane preporuke:

Socijaldemokratska unija BiH nije poduzela ništa kako bi uspostavila koordinaciju Glavnog odbora sa ostalim organizacionim dijelovima stranke i uspostavila kontrolu nad njihovim finansiranjem, s ciljem postupanja u skladu sa odredbama ovog Zakona. Takođe stranka ne podnosi finansijske izvještaje u formi koju je odobrila Centralna izborna komisija BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2006. godinu, utvrđeno je da politička stranka i dalje postupa suprotno odredbama: člana 6., člana 8. stav (1) i člana 11. stav (1), stav (2) i stav (3) Zakona o finansiranju političkih stranaka.

u obrazac 1 finansijskog izvještaja - Opći podaci o političkoj stranci, moraju biti uneseni podaci o ovlaštenoj osobi za finansijske izvještaje

² SDU BiH je u 2006. godini iskazala organizacionu strukturu stranke bez nižih organizacionih dijelova i u godišnjem finansijskom izvještaju iskazala prihode i rashode samo za Glavni odbor SDU BiH.

5. NALAZI I PREPORUKE

5.1. NALAZI

a) Na osnovu obavljene revizije utvrđeno je da SDU BiH nije ispoštovala odredbe člana 6. Zakona o finansiranju političkih stranaka.³

- Stranka nije prijavila prilog SZR „GRAT“ Hadžići u iznosu od 700,00 KM.⁴
- U finansijskom izvještaju stranke nisu prijavljeni prilozi fizičkih lica u iznosu od 1.631,90 KM, koje su donirali članovi OO SDU BiH Centar Sarajevo.
- Stranka nije prijavila priloge po osnovu korištenja poslovnih prostorija bez naknade od strane OO SDU BiH Živinice.

b) Na osnovu obavljene revizije SDU BiH i izabраниh organizacionih dijelova, utvrđeno je da je stranka prekršila odredbe člana 8. stav (1) Zakona o finansiranju političkih stranaka⁵

Stranka je bez plaćanja zakupnine suprotno odredbama člana 8. stav (1) Zakona koristila poslovne prostorije u državnom vlasništvu. Glavni odbor SDP BiH koristio poslovne prostorije u vlasništvu FBiH⁶, sedam opštinskih odbora: OO SDU BiH Stari Grad Sarajevo, OO SDU BiH Centar Sarajevo, OO SDU BiH Novo Sarajevo, OO SDU BiH Ilidža, OO SDU BiH Ilijaš, OO SDU BiH Lukavac i OO SDU BiH Srebrenica koristilo je općinske poslovne prostorije i OO SDU BiH Vogošća koristio je poslovne prostorije J.U. „Kulturno-sportskog centra“ Vogošća.

c) Na osnovu obavljene revizije finansijskog izvještaja SDU BiH i nižih organizacionih dijelova stranke, utvrđeno je da je ova politička stranka prekršila odredbe člana 11. stav (1), stav (2) i stav (3) Zakona o finansiranju političkih stranaka.

Politička stranka nije vodila evidenciju o svojim prihodima i rashodima⁷, finansijski izvještaj za period izborne propagande za Opšte izbore 2006. godine nije podnijela u zakonom utvrđenom roku⁸, godišnji finansijski izvještaj za 2006. godinu nije podnijela u zakonom propisanom roku i formi koju je odobrila Centralna izborna komisija BiH⁹.

³ Ako ukupan iznos priloga jednog pravnog ili fizičkog lica premašuje 100 KM, ta uplata mora da se unese u finansijski izvještaj u skladu sa članom 11. Zakona o finansiranju političkih stranaka.

⁴ Prilog je stranci dalo pravno lice „GRAT“ u vidu umanjena cijene usluge za izvršene radiove na adaptaciji poslovnog prostora

⁵ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije

⁶ Glavni odbor SDP BiH iskazuje obaveze prema Službi za zajedničke poslove Vlade FBiH u iznosu od 22.904,22 KM, od čega su obaveze iz ranijih godina u iznosu 11.054,22 KM i obaveze po osnovu zakupnine u 2006. godini u iznosu od 11.850,00 KM, za koje ne postoji valjan dokaz da će biti plaćene.

⁷ U skladu sa članom 11. stav (1) Zakona o finansiranju političkih stranaka političke stranke su obavezne voditi evidenciju o svojim prihodima i rashodima

⁸ U skladu sa članom 11. stav (2) Zakona političke stranke podnose poseban finansijski izvještaj za period izborne propagande na način utvrđen Izbornim zakonom BiH

⁹ U skladu sa članom 11. stav (3) Zakona, do 31.03. naredne godine političke stranke podnose finansijski izvještaj u formi koju odobri Centralna izborna komisija BiH. Forma finansijskih izvještaja je propisana pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

- Evidencije koju su vođene o prihodima i rashodima SDU BiH u 2006. godini su nepotpune. Stranka je vodila evidencije o prihodima Glavnog odbora, a ne i o prihodima nižih organizacionih dijelova, dok o troškovima koji su plaćani gotovinski nisu vođene evidencije ni u okviru Glavnog odbora stranke. Revizijom je utvrđeno da Glavni odbor stranke u 2006. godini nije iskazao troškove u iznosu od 82.067,00 KM. Sve gotovinske isplate sa blagajne po osnovu nastalih troškova političke stranke, u poslovnim knjigama su evidentirane kao potraživanja za putne akontacije, dok u finansijskom izvještaju koji je dostavljen Centralnoj izbornoj komisiji BiH takvi troškovi uopšte nisu iskazani.
U godišnjem finansijskom izvještaju za 2006. godinu nisu iskazani sljedeći troškovi koji su gotovinski plaćeni sa blagajne Glavnog odbora SDU BiH:
 - putni troškovi (dnevnice za službena putovanja i naknade za korištenje sopstvenog automobila na službenom putovanju¹⁰) u iznosu od 53.436,20 KM
 - paušal za predsjednika stranke u iznosu od 9.600,00 KM
 - naknada mladima za rad na info stolovima 5.000,00 KM
 - troškovi materijala i usluga u iznosu od 5.921,80 KM
 - ostali troškovi u iznosu od 4.093,00 KM
- Postizborni finansijski izvještaj koji obuhvata period od dana podnošenja prijave za ovjeru za izbore do dana ovjere izbornih rezultata, SDU BiH je Centralnoj izbornoj komisiji BiH podnijela 08.01.2007.godine¹¹ i ispravljeni postizborni finansijski izvještaj 19.01.2007. godine.
Izvještaj nije podnesen u skladu sa odredbama člana 15.1 Izbornog zakona BiH, odnosno sačinjen je samo za Glavni odbor stranke i ne sadrži:
 - sve prihode i rashode propisane u članu 15.1 stav (1) tačka 2.,
 - identitet fizičkih i pravnih lica u skladu sa članom 15.1 stav (1) tačka 3.,
 - ukupan iznos svih dospjelih dugovanja i ukupan iznos isplata za troškove kampanje u skladu sa članom 15.1 stav (1) tačka 4. i
 - iznos i vrstu neizmirenih obaveza u skladu sa članom 15.1 stav (1) tačka 5. Izbornog zakona BiH.
- SDU BiH je godišnji finansijski izvještaj Centralnoj izbornoj komisiji podnijela 17.04.2007. godine. Finansijski izvještaj nije sačinjen u skladu sa Pravilnikom o godišnjim finansijskim izvještajima („Službeni glasnik BiH“ broj 61/06), donesenim od strane Centralne izborne komisije BiH.
- U finansijskom izvještaju u okviru organizacione strukture nisu iskazani niži organizacioni dijelovi političke stranke. Iskazan je samo Glavni odbor SDU BiH i finansijski izvještaj obuhvata samo prihode i rashode Glavnog odbora.
- Stranka nije prijavila transakcijske račune za 17 opštinskih odbora, preko kojih se odvijalo poslovanje u 2006. godini. To su:
 - Račun u Raiffeisen banci broj 1610000036460371, transakcijski račun OO SDU BiH Stari grad Sarajevo

¹⁰ Naknade za korištenje sopstvenog automobila na službenom putovanju su obrčunate u iznosima koji su za 50% veći od maksimalno dozvoljenih naknada prema propisima FBiH (propisana naknada je do 20% cijene jednog litra goriva po pređenom kilometru, dok je na putnim nalogima obračunata naknada u iznosu od 30% cijene jednog litra goriva po pređenom kilometru). Osim navedenog na putnim nalogima su proizvoljno upisani pređeni kilometri na osnovu kojih su dodatno uvećani obračunati putni troškovi.

¹¹ Rok za podnošenje postizbornog finansijskog izvještaja u skladu sa članom 15.1 Izbornog zakona BiH je 30 dana od dana objavljivanja izbornih rezultata u Službenom glasniku BiH. Izborni rezultati Opštih izbora 2006. godine su objavljeni 03.11.2006. godine u „Službenom glasniku BiH“ broj 88/06, te je krajnji rok za podnošenje postizbornog finansijskog izvještaja bio 03.12. 2006. godine.

- Račun u Raiffeisen banci broj 1610000036440662, transakcijski račun OO SDU BiH Centar Sarajevo
 - Račun u Raiffeisen banci broj 1610000036460468, transakcijski račun OO SDU BiH Novo Sarajevo
 - Račun u Union banci broj 1020180000012430, transakcijski račun OO SDU BiH Ilidža
 - Račun u Raiffeisen banci broj 1610000036460274, transakcijski račun OO SDU BiH Vogošća
 - Račun u HVB Centralprofit banci broj 1291089400543783, transakcijski račun OO SDU BiH Hadžići
 - Račun kod Vakufske banke broj 1602000022580944, transakcijski račun OO SDU BiH Ilijaš
 - Račun u NLB Tuzlanskoj banci broj 1321200311505313 transakcijski račun OO SDU BiH Lukavac
 - Račun u Unikredit Zagrebačkoj banci broj 3385302201662060, transakcijski račun OO SDU BiH Bosanska Krupa
 - Račun u Union banci broj 1020110000035083, transakcijski račun OO SDU BiH Travnik
 - Račun u ABS banci broj 1990500006599490, transakcijski račun OO SDU BiH Živinice
 - Račun u NLB Tuzlanskoj banci broj 1321400311523927 transakcijski račun OO SDU BiH Kalesija
 - Račun u ABS banci broj 1990500007507410, transakcijski račun KO SDU BiH Tuzla
 - Račun u Privrednoj banci broj 1011210000256397, transakcijski račun OO SDU BiH Brčko
 - Račun u Raiffeisen banci broj 1610350007390084, transakcijski račun OO SDU BiH Bihać
 - Račun u Raiffeisen banci broj 1610350007150090, transakcijski račun OO SDU BiH Cazin
 - Račun u Novoj Banci broj 5510150001487614, transakcijski račun OO SDU BiH Srebrenica
- U godišnjem finansijskom izvještaju koji je stranka podnijela Centralnoj izbornoj komisiji BiH iskazani su samo prihodi Glavnog odbora. Stranka nije prijavila prihode nižih organizacionih dijelova stranke u iznosima kako slijedi:

Red.br.	Vrsta prihoda	Iznos u KM
1.	Članarine	2.280,00 ¹²
2.	Prilozi fizičkih lica	7.451,90
3.	Prilozi pravnih lica	2.100,00
4.	Prihodi iz budžeta	68.841,45
	Ukupno:	80.673,35

- Članarine koje su uplaćene na račun Glavnog odbora stranke u finansijskom izvještaju su iskazane kao prilog fizičkih lica u iznosu 420,00 KM.
- Priloge fizičkih lica koja su donirana Glavnom odboru u ukupnom iznosu od 4.600,00 KM stranka nije prijavila u skladu sa članom 14. Pravilnika o godišnjim finansijskim izvještajima

¹² Članarine su sakupili sljedeći opštinski odbori: OO Centar Sarajevo u iznosu od 622,00 KM; OO Lukavac 122,00 KM; OO Hadžići 166,00 KM, OO Živinice 500,00 KM, OO Brčko 675,00 KM, OO Cazin 100,00 KM, OO Vogošća 47,00 KM i OO Novo Sarajevo 48,00 KM

političkih stranaka, odnosno nije iskazala jedinstveni matični broj donatora i u finansijskom izvještaju priloge fizičkih lica je iskazala kao prihode od članarina.

- Prilozi pravnih lica Glavnom odboru stranke u iznosu od 5.000,00 KM nisu prijavljeni u skladu sa članom 15. Pravilnika o godišnjim finansijskim izvještajima političkih stranaka, odnosno u izvještaju nisu navedeni identifikacijski brojevi donatora.
- Suprotno odredbama člana 19. Pravilnika o godišnjim finansijskim izvještajima političkih stranaka, stranka nije prijavila prihod iz budžeta u ukupnom iznosu od 68.841,45 KM.
Revizijom je utvrđeno da je stranka suprotno odredbama člana 13. stav (5) Pravilnika o godišnjim finansijskim izvještajima političkih stranaka, novčana sredstava koja su niži organizacioni dijelovi stranke prenosili Glavnom odboru, u poslovnim knjigama Glavnog odbora evidentirala i u finansijskom izvještaju iskazala kao prihod od vlastite djelatnosti stranke. Po tom osnovu Glavni odbor stranke je kao prihod od vlastite djelatnosti prijavio iznos od 55.085,33 KM.
U finansijskom izvještaju stranka nije prijavila prihod iz budžeta koji su ostvarili niži organizacioni dijelovi stranke u ukupnom iznosu od 13.756,12 KM.
Sredstva po osnovu povrata takse za ovjeru za Opšte izbore 2006. godine u iznosu od 15.000,00 KM stranka je pogrešno iskazala kao prihod iz budžeta.
- Stranka u godišnjem finansijskom izvještaju nije u skladu sa odredbama člana 19. Pravilnika o godišnjim finansijskim izvještajima političkih stranaka iskazala troškove svojih nižih organizacionih dijelova. U okviru ukupno neprijavljenog iznosa troškova od 36.539,75 KM koje su napravili niži organizacioni dijelovi stranke, na režijsko-administrativne troškove se odnosi 27.174,85 KM i troškove propagande 9.364,90 KM .
- Obaveze političke stranke nisu iskazane u finansijskom izvještaju u skladu sa članom 23. Pravilnika¹³. Ukupne obaveze su iskazane u jednom iznosu od 108.494,41 KM.

Troškovi predizborne kampanje

Socijaldemokratska unija BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 88.649,56 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM¹⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Socijaldemokratska unija BiH mogla je potrošiti 1.178.212,80 KM.

¹³ U obrazac 5. se unose podaci o dugovanjima: naziv povjerioca, iznos duga, datum nastanka duga, visina rate i rok za plaćanje duga.

¹⁴ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE :

Preporučuje se Socijaldemokratskoj uniji BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama: člana 6., člana 8. stav (1) i člana 11. stav (1), stav (2) i stav (3) Zakona o finansiranju političkih stranaka i to:*
 - *da u finansijskom izvještaju prijavljuje sve priloge fizičkih i pravnih lica iznad iznosa od 100,00 KM bez obzira po kom osnovu ih ostvaruje,*
 - *da se ne finansira priložima koji su zabranjeni ovim Zakonom,*
 - *da vodi evidenciju o svojim prihodima i rashodima,*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanog Pravilnikom o godišnjim finansijskim izvještajima političkih stranaka,*
 - *da izvještaje podnosi u Zakonom propisanim rokovima,*
 - *da definiše postupke i procedure internih kontrola vezane za kontrolu finansiranja političke stranke i trošenja finansijskih sredstava stranke,*
 - *da uspostaviti koordinaciju Glavnog odbora i nižih organizacionih dijelova stranke.*

- *Stranka treba ustrojiti upravljanje gotovinom putem blagajne i uvesti obavezu vođenja blagajničkih izvještaja. Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz obavezno pravdanje svakog gotovinski plaćenog troška, od strane osoba kojima se isplaćuje gotovina.¹⁵*

KOMENTAR:

U ostavljenom roku, Socijaldemokratska unija Bosne i Hercegovine nije se očitovala na Preliminarni izvještaj o reviziji godišnjeg finansijskog izvještaja za 2006. godinu i postizbornog finansijskog izvještaja – Opšti izbori 2006. godine.

Smatra se bitnim da se napomene da je u 2007. godini došlo do raskola u Socijaldemokratskoj uniji BiH, smjena u rukovodstvu stranke i istupanja pojedinih članova kako iz rukovodstva Glavnog odbora stranke, tako i nižih organizacionih dijelova. Nepostojanje saradnje među organizacionim dijelovima, odnosno cijepanje stranke značajno je otežalo prikupljanje revizijskih dokaza. Revizijski dokazi koji se odnose na provjeru podataka iz 2006. godine, prikupljeni su djelimično u Glavnom odboru SDU BiH, a djelimično u opštinskim odborima stranke koji ne ostvaruju saradnju sa Glavnim odborom.

Hasida Gušić, Šef Službe za reviziju, revizor

Anela Burdžović Kapić, pomoćnik revizora

¹⁵ Uvidom u dokumentaciju, utvrđeno je da stranka nema uređeno blagajničko poslovanje, ne vodi blagajničke izvještaje i nema uspostavljenu kontrolu nad trošenjem sredstava ni u Glavnom odboru stranke ni u okviru nižih organizacionih dijelova koji su bili obuhvaćeni revizijom.